



# Aqutsisut nalunaarusiaat 2020

Katuaq – Grønlands Kulturhus • Imaneq 21 • Postbox 1622 • 3900 Nuuk • Grønland

## Aqutsisut nalunaarusiaat

### Suliat pingaarnert

Aningaasaateqarfik Katuaq – nunatta kulturikkut illorsua aqutugalugu kulturikkut misigisassanik saqqummiisassaaq, siuarsaasassaaq ineriartortitsillunilu, eqqumiitsuliornikkut naliliineq tamatigoortoq, ammasoq pituttorsimannngitsorlu tunngavigalugu, suliffeqarfiit, suliniaqatigiiffiit, inuit suliffissuillu suleqatigalugit. Aningaasaateqarfik kalaallit kulturiannik nittarsaassinermut peqataassaaq, taamatuttaarlu aningaasaateqarfik Kalaallit Nunaanni nunarsuullu sinnerani kulturikkut suleqatigiisitsissalluni.

### Ukiup naanerani naatsorsuutit inernerat


2020-mut Katuaq naatsorsuutaasa inernerat 2.3 mio. kr.-inik amigartoorfiuvoq. Covid-19 pissutaalluni pissutsit Covid-19-illu kinguneranik killilersuinerit amigartooruteqarnermut pissutaaqataapput.

Siulersuit ukiup naanerani naatsorsuutit inernerat naammagisimaarpaat, naak amigartoortoqaraluartoq, Covid-19 pissutaalluni pissutsit eqqarsaatigalugit. Amigartoornerup annertussusia Katuamut kingunerluuteqangaatsiarpoq.

### Isertitat aningaasartuutillu


2020-mut isertitat aningaasartuutillu katillugit ima isikkoqarput:

Isertitat immikkoortiterneri	2020	2019
Namminersorlutik Oqartussat	5.097	5.081
Kommuneqarfik Sermersooq	5.081	5.081
Cafetuaq	8.937	13.596
Illassinninnerit il.il.	41	175
Ataatsimeersuarnerit	1.169	2.376
Nipilersorneq & Isiginnaartitsineq	2.316	2.496
Eqqumiitsuliat saqqummersitsinerillu	31	25
Filmertarfik	1.980	4.490
Kioski	1.020	2.442
Covid	1.890	
Isertitat allat	84	69
<b>Katillugit</b>	<b>27.646</b>	<b>35.831</b>






Aningaasartuutit immikkoortiterneri	2020	2019
Ingerlatsineq nalikilliliinerlu	6.504	7.393
Akissarsitsinerit sulisunullu aningaasartuutit	15.408	16.853
Honorarit	1.026	1.269
Café	4.290	5.909
Illassinnerit il.il.	72	49
Ataatsimeersuarnerit	16	88
Nipilersoneq & Isiginnaartitsineq	809	648
Eqqumiitsuliat saqqummersitsinerillu	29	34
Filmertarfik	1.221	2.459
Kioski	606	1.189
<b>Katillugit</b>	<b>29.981</b>	<b>35.891</b>



### Katuaq ingerlanneqarnera

Ingerlatsinermut aningaasartuutini takuneqarsinnaavoq kulturikkut illorsuup Katuaq ingerlanneqanneqarnera qanoq akeqarnersoq, suliniutinut sulisunullu aningaasartuutit ilanngunnagit.

Ingerlatsinermi aningaasartuutit immikkoortiterneri	2020	2019
Ininut aningaasartuutit	2.446	2.957
Allaffissornermut aningaasartuutit	1633	1.875
Avataaneersut sullissinerannut aningaasartuutit	1308	1.436
Biilinut aningaasartuutit	108	77
Nalikilliliinerit	984	1.046
Aningaasaqarnermut tunngasunut aningaasartuutit	25	3
<b>Katillugit</b>	<b>6.504</b>	<b>7.393</b>



### **Kulturikkut sammisassaqtitsineq**

2020-mi Katuaq nammineq aaqqissuussaminik 58-inik kulturikkut sammisassaqtitsivoq, katillugit inunnit 11.726-nit orninneqartunik. Covid 19 pissutaalluni isertut killeqarput, aallaqqaammut suut tamarmik matuneqarput kingornalu aaqqissuussani inuit amerlassusii killilersorneqarlutik, illup iluani inuit amerlanerpaamik 100-t silamilu inuit amerlanerpaamik 250-it. Taakkua saniatigut ukioq naallugu taamaatitsiinnarnerit aaqqissuussanillu allanngortitsinerit amerlallutik.

- Sammisassaqtitsinerit eqimattanut assigiinngitsunut immikkoortinneqarput: Nipilersorneq (31), Isiginnaartitsineq (5), Kulturikkut aaqqissuussat (16) aamma Saqqummersitsinerit (6).
- 2020-mi aaqqissuussat tamangajammik kalaallit kulturianut ileqqinullu tunngapput imaluunniit eqqumiitsuliortut kalaallit suleqatigalugit suliaallutik. Oqalugiarneq ataaseq saqqummersitsinerlu ataaseq qallunaat suleqatigalugit suliaapput, imarisaalli kalaallit kulturianut aamma tunngassuteqarput. Onlinekkut nunanit allanit peqataasoqarluni sammisassaqtitsinerit ikittunnguupput.
- Aaqqissuussat 75 %-iisa missaat akeqanngillat. Tassa imaappoq kulturikkut aaqqissuussatta amerlanersaat akeqanngillat tamanullu ammasuullutik, tusarnaartitsinerilli saqqummersitsinerillu ilaat isernermi akeqarput.

Kisitsisini ukunani filmertarfik, cafe aamma ataatsimeersuartarfiit ilaanngillat. Kisitsisit taakku nalunaarusiami ataatungaani nassaarinqarsinnaapput. Kulturip illorsuanut isertartut nalinginnaasut saqqummersitsinerinullu isiginnaariat amerlassusii allattugaatigineqanngillat.

### **Tapiissuteqartunut sponsorinullu qujanaq**

2020-mi Katuamut tapiissuteqartut ukuupput: Namminersorlutik Oqartussat aamma Kommuneqarfik Sermersooq. 2020-mi Katuamut sponsorit ukuupput: Grønlandsbanken, Royal Arctic Line, Tele-Post, Banknordik, Permagreen, Air Greenland aamma Kalaallit Nunaanni Brugseni minnerunngitsumillu NAPA, Nunani Avannarlerni Piorsarsimassutsikkut Attaveqaat. Taakkua saniatigut eqqaaneqarsinnaavoq suliniutinut ataasiakkaanut tunngatillugu Danmarkimi nunatsinnilu sponsorissarsiornerit. Taakku ilaatigut ukuupput Tipsimit Lottomillu isertitanit Namminersorlutik Oqartussat tapiissutigisartagaat, kulturimut aningaasaliissutit, Sermeq Fonden, Nuummi Najukkami Ataatsimiititaliaq kiisalu NunaFonden. 2020-mi kulturikkut sammisassaqtitsinerinut tapiissuteqartut sponsorillu Katuamit qutsavigaavut. Suliniutit ilaat 2020-mi aningaasaliiffiqineqaraluartut Covid-19 pissutaalluni taamaatitsinerit pissutaallutik piviusunngunngitsoorput. Katuamit tapersuisitsinnut soqutiginnittunullu qujavugut. Suliniutit taakku ilaat taamaatiinnarneqarput ilaalli kingusinnerusukkut piviusunngortissangatinneqarput.

### **2021-mi aningaasaqarnermut naatsorsuutigisat**

Aqutsisut 2021-mi amigartooruteqaratilu sinneqartuussangangillat, taamaattorli tamanna nalorninartoqaqaaq. 2021-p aallartinnerani paasinarsereerpoq Covid-19 pissutaalluni pissutsit suli naatsorsoruminaattut. Katuap nammineq aaqqissuussani tunngavigalugit isertitani amerlanersaat isertittarpai, taamaattumillu Covid-19-imut killilersuinerit Katuamut akisupput. Taamaattumik pisortanit

ikiorsiissutinin pissarsinissaq Katuamut pingaarutilerujussuussagualarpoq, arlaatigulluunniit angummassinnaanissatsinnut aningaasatigit tapiissuteqarneq. 2021-mut Covid-19 pissutaalluni Katuaq aningaasanik ikiorsiissutinin pissanersoq sulii maannamut ilisimangilarput.

2020-mut Namminersorlutik Oqartussanit aamma Kommuneqarfik Sermersuumit aningaasaliissutit nalinginnaasut 10,2 mio. kr.-iupput.



## 2020-mut aqutsisut nalunaarussiaat

Sorpasuartigit ukioq 2020 allaaneruvoq. Covid-19 ukioq taanna assut inituvoq, aaqqissuussat aningaasaqarnerlu eqqarsaatigalugit aammali pissutsit allanngorarnerujussuat pissutaallutik nalorninartorpassuit Katuami aqqusaarneqarsimasut eqqarsaatigalugit. 2020-mut ukiumut pilersaarut suliarineqarsimagualarpoq, taannali arlalippassuariarluni allanngortinneqarpoq pilersaaruterpassuillu kinguartinneqarlutik. Tassani pineqarput suliniutit allat peqatigalugit suliarineqartut aammali Katuap nammineq suliniutigisai. Pissutsit aaqqissuussanut tamanut sunniuteqarput, uanilu aqutsisut nalunaarussiaanni tamanna takuneqarsinnaavoq. Ukiumi qaangiuttumi periutsit assigiingitsut Katuami atorineqartarsimasut nalilersoqqinneqartariaqarsimapput, Katuamullu periarfissanik nutaanik suliniaqatigiiffik ujarlertariaqalersimavoq. Ineriartornermut Katuaq nalimarsartuartariaqarsimavoq, tamannalu suliniaqatigiiffimmi piumassusermik allanngortoqarsinnaaneranullu piareersimanermik takutitsiviusimalluni. Suleqatit assigiingitsut ikiortigalugit tapersersortigalugillu tamanna iluatsissinnaasimavoq.

Akunntoorfeqartaraluarluni qaammatinilu marlunni matoqqareeraluarluni Katuap aaqqissuussisarnini ingerlatiinnarsimavai 2018-2020-mullu periusissiami anguniarneqartut anguniarsimallugit. Nammineq kulturitsinnit kingornussatsinnik aallussinerput nunatsinnilu kulturikkut ineriartortitsinerput sulinerput aamma 2020-mi initoqaat.



siulersuisuniileqqippoq. Ninop Andersillu siulersuisuni ilaasortaanerminni suliaat pillugit Katuamit qutsavigerujussuarpavut.

2020-mi siulersuisut ataatsimiinnerisa kingulliup kingorna ulapippallaarnini pissutigalugu Pipaluk Kreutzmann Jørgensen siulersuisunit tunuarpoq. Pipaluup tunuarneratigut ukiumi nutaami EPI sinnerlugu Naleraq Eugenius siulersuisunut ilannguppoq. Pipaluup ilaasortatut siulittaasutullu ukiut ingerlanerini Katuami siulersuisuni peqataasimaneranut Katuamit qujarujussuarpugut. Piffissami covid-19-eqarfiusumi, ajornartorsiorfiusumi ulapiffiusumilu Pipaluk siulittaasuuvoq piffissamilu tassani Katuap suliaqarnera tapersorsorluarsimavaa.



## Sulisut

2020-mi Katuaq agguaqatigiissillugu 21-nik qaammammusalinnik (2019-imi: 21) akunnermusialinnillu 34-nik (2019-imi: 48) sulisoqarpoq. Sulisut taakku 55-it inuup ataatsip suliarisinnaasaasa naatsorsornerat naapertorlugu 24,5-inik suliaqarput.

31. december 2020-imi angutit arnallu agguataarnerat ima isikkoqarpoq:

Qaammammusiallit arnat 9 angutillu 12

Akunermusiallit arnat 20 angutillu 14

Tassa imaappoq, sulisut arnat 29-t (2019-imi: 38) angutillu 26-t (2019-imi: 37).

Piffissami 1. januar 2020 – 31. december 2020 sulisut taarseraannerat 25 %-ip missaaniippoq. (2019: 13,9%). (Sulisut taarseraannerat ima naatsorsorneqartarpoq sulisut atorfillit (qaammammusiallit) suliunnaarsimasut amerlassusii agguaqatigiissillugu atorfillit amerlassusiinut agguarneqartarput.)

### Piginnaasanik ineriartortitsineq

Sulisut suleqatigiiaallu assigiinngitsut sammisaqartitsinerni pikkorissaanernilu ataani allassimasuni peqataapput:

Pikkorissarnerit seminarillu:

- Pisortaqatigiinnut mellemlederinullu seminari
- Sulisunut tamanut teambuilding
- Sulisunut tamanut ikiueqqaarnermut pikkorissarneq
- Issittumi aqutsinermik seminari, pisortaqatigiinnit peqataaffigineqartoq

Pikkorissarnerit tungaatigut pilersaarutigineqarsimagaluartut ingerlanneqarpiangillat aningaasaqarnikkut inissisimaneq pissutigalugu, sulisut sapinngisamik amerlasuut sulisoriinnarusullugit Katuaq pikkorissaanernik sipaarniartariaqarsimaneq pissutigalugu.



# Immikkoortut aalajangersimasut pillugit nalunaarusiaq



## Aaqqissuussinerit

Ukiut tamaasa Katuaq assigiinngitsorpassuarnik aaqqissuussisarpoq, stilit assigiinngitsut eqqumiitsuliortullu, kulturikkut ingerlatsisut peqatigiiffiilluunniit assigiinngitsut peqatigalugit. Tamanna aamma 2020-mi atuuppoq. Ukiortu taanna suut tamarmik matoqqanerannik, kinguartitsinernik suliniutillu taamaatiinnarneqarnerannik imaqarpoq, Covid-19 peqqutaalluni, soorluttaaq aamma oqartussanit killilersuinerit pissutaallutik aaqqissuussinerni inuit isersinnaasut amerlanerpaaffigisinnaasaat killeqangaatsiarlutik. Aaqqissuussinerit ingerlanneqarsinnaasut ingerlatiinnarnissaannut Katuami sulisut suliaqangaatsiarput. Kulturikkut illorsuarmi ukiup ingerlanerani aaqqissuussat pillugit nalunaarusiaq aana.

## Nipilersorneq

2020-mi Katuaq assigiinngitsorpassuarnik tusarnaartitsinernik aaqqissuussivoq. Taamaalillunilu tusarnaartitsinerit katillugit 31-upput, tusarnaariat katillugit 4.447:

- 1 paarlersuarmi tusarnaartitsineq. Tusarnaariat katillugit: 898
- Hans Lyngep Inersuani tusarnaartitsinerit 3. Tusarnaariat katillugit: 354
- Cafémi tusarnaartitsinerit 18-it. Tusarnaariat katillugit: 2.266
- Tusarnaartitsinerit allat 9-t. Tusarnaariat katillugit: 929

## Paarlersuarmi tusarnaartitsinerit

2020-mi covid-19 pissutaalluni ataasiinnarmik paarlersuarmi tusarnaartitsisoqarsinnaasimavoq.

### Ole Kristiansen-ip aamma Inuk-p paarlersuarmi tusarnaartitsinerat, 7. februar

Ole Kristiansen tusarnaartitsilluavissorpoq, nunatsinnilu nipilersortartut pitsaanerpaat ataqqineqarnerpaallu ilagigaat takuneqarsinnaavoq. Taalliai imartuut assilianguinerilu assisaqanngitsut nuannarineqartuarput nunatsinni nipilersortartut akornanni. Nipilersoqatigiit Inuk nuna tamakkerlugu tusarnaartitsisaqattaarlutik angalanikuupput nuannarineqarluarlutillu, tusarnaartitsinerminnilu nuannatsitsilluarput.

Tusarnaariat: 898

## **Hans Lyngep Inersuaani tusarnaartitsinerit**

### Nick & Josef, Hans Lyngep Inersuaani tusarnaartitsineq, 24. juli

Josef Josefsen operartartutut ilisimagaluarparput, tamatumuunali nipilersortartooq erinarsortartorlu nutaaq inuusuttoq Nick Poulsen suleqatigaa, nunatsinneersunillu erinarsuutininik nuannarineqartunik atuippat ilaatigut ukunannga erinarsuusiarineqarsimasunik Ole Kristiansen, Martin Løvstrøm, Pilu Lyngé, Ulf Fleischer, Siiva Fleischer, Alette Aronsen, Kim Larsen allallu.

Tusarnaariat: 54

### ÎVA, 12. september

Nipilersoqatigiit Îva tassaapput nipilersortartut piginnaasaqarluartut marluk Gustav Lyngé Petrussen aamma Josef Tarrak, 2019-imili nipilersoqatigiittalerput single Anersaartorit saqqummersikkamikku, kingornalu Ajunng'.

2020-mi upernaakkut album saqqummersitaat siulleq saqqummerpoq, assoroorutigalugu upperalugulu suliarisimasaat. Album nuannarineqartorujussuuvoq nipilersoriaatsinik assigiinngitsunik R&B, Electronic aamma Hip hop-imik pinnguarnertik pissutigalugu.

Tusarnaariat: 2 x 100 = 200

### Adventip aallaqqaataani tusarnaartitsineq, 29. november

Katuami ileqqorineqalersimasooq adventip aallaqqaataani tusarnaartitsineq ingerlanneqarpoq, tamatumuuna raatiukkut tusaamaneqarluartooq Stina Skifte aqutsisoralugu. Uummatip nipaa, Nordisk Koncertkor, Ivinnguaq & Abel Brandt aamma N.I.P.E juullip qaammataata aallartinnerani juullerpalaartitsivissorput.

Tusarnaariat: 100



## **Cafémi tusarnaartitsinerit**

Cafémi tusarnaartitsisarnertit 2017-imi aallartinneqartut Katuami ingerlateqqinneqarput. Tusarnaartitsinerit tallimangornikkut ualikkut pisarput, nipilersortartut kisimiillutik tusarnaartitsisarlutik. Aaqqissuussaq akeqanngilaq ornigarneqarluartarporlu. Taamatut tusarnaartitsineq pitsaavoq COVID-19 pissutigalugu oqartussanit killilersuinerit eqqarsaatigalugit.

### Miki Jakobsenip Cafémi tusarnaartitsinera, 18. januar

Miki Jacobsen assigiinngitsorpassuartigut eqqumiitsuliortuuvooq. Assilialiani immaqqa tusaamasaassutiginerpaavai, ukiunili kingullerni isiginnaartitsinerni, TV-mi filminilu peqataasarpoq. Allat erinarsuusiaminik Miki Jacobsen atuivoq, namminerli erinarsuusiaminik aamma atuilluni.

Tusarnaariat: 125

Kiki Godtfredsenip aamma Inuk Brandt Petersenip cafémi tusarnaartitsinerat

Nipilersortartut inuusuttut Kiki Godtfredsen aamma Inuk Brandt Petersen suli GU-rput. Taamaakkaluartorli tusarnaartartunit nuannarineqarlualereerput arlaleriarlutillu tusarnaartitsererlutik. Namminneq erinarsuusiaminik allallu atugaannik atuipput.

Tusarnaariat: 106

Maalia & Nukannguaq-p cafémi tusarnaartitsinerat, 21. februar

Maalia aamma Nukannguaq nipilersortartuupput nuannarineqarluartut tusarnaariartoqarluartarpullu. Cafémi tusarnaartitsinermi erinarsuutinik qiimasunik assigiinngitsunik atuipput inuillu avalakaatillugit.

Tusarnaariat: 230

Adam Kjeldsenip cafémi tusarnaartitsinera, 27. februar

Adam inuuvooq pituttorsimangitsoq silamiinnermik nipilersornermillu nuannarisalik. Adamip erinarsuutit ilisimaneqarluartut atorpai erinarsuutillu ilaanni qatanngutaata Kimmernaq Kjeldsenip erinarsoqatigaa.

Tusarnaariat: 188

Hans Jukku Noahsenip cafémi tusarnaartitsinera, 1. maj

Hans-Jukku Noahsen TV-mi ilisarisimaneqarluarpoq aallakaatitassiamini kingullertigullu TV-kkut nangeqattaartumi Tynd Is-imi. Arlalinnullu aamma nipilersortartutut ilisimaneqarpoq. Cafémi tusarnaartitsinermi pattartartoq Glenn Møller nipilersoqatigaa.

Tusarnaariat: 150 (amerlanerpaamik 100-kkaarlutik)

Cafémi tusarnaartitsineq: Jim & Fab Jazz, 15. maj

Cafémi tusarnaartitsinermi uani pattartartoq Jim Milne aamma gitarertartoq Fabrizio Barzanti jazzimik tusarnaartitsipput, taakkulu nunatsinni nipilersortartutoqaapput.

Tusarnaariat: 110 (amerlanerpaamik 100-kkaarlutik)

Rene Løvstrømpip cafémi tusarnaartitsinera, 29. maj

Rene Brandt Løvstrøm nipilersortartuuvooq inuusuttoq nipigissoq. Nammineq erinarsuusiaminik atuivoq, aammali nunatsinneersunik erinarsuutinik nuannarineqarluartunik, minnerunngitsumillu erinarsuutit nunanit allaneersunik atuilluni.

Tusarnaariat: 120 (amerlanerpaamik 100-kkaarlutik)

Cafémi tusarnaartitsineq: Blues Duo, 5. juni

Tallimangornermi ualikkut Katuami cafémi tusarnaartitsinermi erinarsortartoq Varna Nielsen nipilersortartorlu Fabrizio Barzanti nipilersoqatigiittut Blues Duo-tut bluesinik nuannersunik appisimaarput.

Tusarnaariat: 100

Cafémi tusarnaartitsineq: Miké Thomsen, 26. juni

Miké Thomsen nipilersortartuuvooq tusaamaneqarluartooq isiginnaartitsisartuullunilu erinagissoq, nammineq erinarsuusiaminik appisimaarpoq, aammali erinarsuutinik nunatsinneersunik nuannarineqarnerit ilaannik nunanillu allaneersunik erinarsuutinik nuannarineqarluartunik atuilluni. Nipilersortartorpassuit tusaamasat nipilersoqatigalugit takutitsisarnikuuvooq nuannarineqarluarluni.

Tusarnaariat: 90

Aasaanerani tusarnaartitsineq: Lone Josefsen, 3. juli

Lone Josefsen nunatsinni erinarsortartut tusaamaneqarnerit ilagaat. Pele Møller Band allarpassuillu peqatigalugit ukiuni 30-inngulersuni immiusseqataasarlunilu tusarnaartitsisarnikuuvoq. Aasaanerani tusarnaartitsinerimi siullermi Pele Møller, Kattie E. Motzfeldt aamma Pilu Noahsen peqataapput. Tusarnaariat: 180 (illup iluani 100-t, silami 80-it)

Aasaanerani tusarnaartitsineq: Johannes Berthelsen, 10. juli

Johannes Berthelsen tassaavoq nipilersortartoq nuannarineqarluartoq Sisimiuneersoq, nipilersugai 1990-ikkunnili raatiukkut appisimaarneqarluartarput. Erinarsuusiani nuannarineqarnerit atorpai. Tusarnaariat: 150 (illup iluani 100-t, silamilu 50-it)

Aasaanerani tusarnaartitsineq: Jenseeraq Olsen, 17. juli

Jenseeraq Olsenip nipilersoqatigiit Uummat peqatigalugit album siulleq 2010-mi saqqummersippaa. Naak punk-rock nunatsinni nuannarineqarnerit ilaginngikkaluaraat album "Tusaannga" nuannarineqarluarpoq. Nipilersoqatigiit Uummat aappassaanik saqqummersitseqatigereerlugit Jenseeraq nammineerluni albumimik saqqummersitsivoq, marloriarlunilu KODA Awardsimit nersornaaserneqarluni, 2011-mi 2013-imilu. Tusarnaariat: 150 (illup iluani 100-t, silamilu 50-it).

Aasaanerani tusarnaartitsineq: Hans Ole Amossen, 24. juli

Hans-Ole Amossen nunatsinni nipilersukkanut elektronisk-iusunut siuttutut ilisimaneqarpoq. Nipilersoqatigiit elektronisk-iusut Da Bartali Crew-ikkut atugaat nuannarineqarnerpaat erinarsuusiarai nipilersortartullu rockertartut Torluut! pilersitaralugit. Tusarnaariat: 100

Aasaanerani tusarnaartitsineq: Nina K. Jørgensen, 30. juli

2019-imi Eurovision-imut peqataanerimi kingorna aatsaat Nina K. Jørgensen nammineq atini atorlugu tusarnaartitsivoq. Ukiorpassuarni erinarsortartuuvoq, albumini amerlasuuni erinarsortuusarluni, nipilersoqatigiinnilu Qulleq-mi erinarsortuusarluni, 1990-ikkut naalerneranni 2000-ikkullu aallartilaarneranni nuna tamakkerlugu nuannarineqarluartumi. 2008-mi nammineerluni saqqummersitsivoq (NINA, Eqqissineq). 2016-imi siullerpaamik qallunaatut erinarsorluni saqqummersitsivoq atuagartalimmik, Hun Står i Nordenvind. Tusarnaariat: 100

Aasaanerani tusarnaartitsineq: Ulinnerit, 30. juli

Ulinnerit nunatsinni nipilersortartut nutaat ilagaat, ukiuni kingullerni ineriartorsimasut. Nipilersoqatigiit nammineq erinarsuusiorput kalaallisuumik tuluttuunillu. Nipilersugaat taalliaallu nutaaliornikkut allaaneruumillu uummaarissuumik oqaluttuarpalaartumillu saqqummiunneqartarput. Ulinnerit tassaapput Naja Parnuuna V. Olsen, Maali Hermansen, Marius Petrussen aamma Nukaaka J. Petersen. Tusarnaariat: 70

Cafémi tusarnaartitsineq: Jobey, 20. november

Liam Jobey tuluit nunaanni sakkutooqarfinni alliaartorsimavoq, maannali Nuummi najugaqarluni. Nipilersugai nammineq eqqarsaatersuutigisartagaanik saqqummersitsipput, indie rockerpalaartumik alternativ folk-ilu atorlugu oqaluttuarnerpalaartumik taallanik erinarsornikkut. Tusarnaariat: 97

Cafémi tusarnaartitsineq: Johannes Berthelsen & Pipaluk, 11. december

Johannes Berthelsen tassaavoq nipilersortartoq nuannarineqarluartoq Sisimiuneersoq, nipilersugai 1990-ikkunnili raatiukkut appisimaarneqarluartarput. Erinarsuusiani nuannarineqarnerit atorpai erinarsortartoq Pipaluk peqatigalugu. Tusarnaariat: 100



Cafémi tusarnaartitsineq: Inunnguaq Petrussen, 18. december

Nipilersoqatigiinni Inuk-mi erinarsortoq guitarertorlu Inunnguaq Petrussen kisimiilluni cafémi tusarnaartitsivoq nammineq erinarsuusiani Inuk-llu erinarsuusiai akulerullugit atorlugit.

Tusarnaariat: 100



**Tusarnaartitsinerit allat**

Ole K & F – tusarnaartitsineq tapas-italik, 9. august

Ole K aamma F (Frederik Elsner) marluinnaallutik namminneq erinarsuusiaminnik atuillutik tusarnaartitsipput. Erinarsuut Pinerrarissuaq 2017-imi aallartissutigaat, kingornalu nunarput tamakkerlugu Danmarkimilu marluullutik tusarnaartitsisarput. Periuseq nutaaq atorneqarpoq, tusarnaariat nerinermut tusarnaartitsinermullu isissutissamik ataatsimik pisisarlutik. Sponsorinut matoqqasumik tusarnaartitsinermut tusarnaariat: 40.

Tusarnaariat: 100

Inuk – Ilaqutariinnut tusarnaartitsineq, 29. august

Katuaq ilaqutariinnut meeqqanut inersimasunullu tusarnaartitsinermik aqqissuussivoq paarlersuarmi nipilersoqatigiit Inuk nipilersortalugit, ukiuni 12-ni kingullerni nuna tamakkerlugu tusarnaartitsisaqattaarsimasut, maannalu kiisami Nuummi ilaqutariinnut tusarnaartitsisut nipilersortalugit. Nipilersoqatigiit saqqummersitaat album Aanngalerneq nuannarineqartupilussuuvoq kingornalu aamma album Qalipaait saqqummersippaat.

Sponsorinut matoqqasumik tusarnaartitsinermut tusarnaariat: 44

Tusarnaariat: 99

Appittarfik, 4. september

Unnuk nuannersumik ingerlavoq Katuap nipilersortartut nipilersornermillu nuannarisallit kikkulluunniit Katuap inersuaaraani appinnissaannut qaaqquneqarmata. Aqqissuussinermi appeqqaartuupput nipilersortartut Louis Chemnitz aamma Phillip Kûitsé Andersen.

Tusarnaariat: 100

Theatre of Voices, 29. september

*(Internet aqutigalugu videokkut aqqissuussaq)*

Grammy-mik nersornaasigaanikut erinarsornermik suliaqartartut THEATRE OF VOICES nunallu tamalaat akornanni tusaamasaasoq qarlorartartoq Michala Petri Katuami septemberimi tusarnaartitsisussaagaluarp,

erinniortumit Arnanguaq Gerstrøm-imit erinniaq nutaaq atorlugu. Pisussarli taamaatiinnarneqarpoq onlikkullu ingerlanneqaannarluni.

Tusarnaariat: 159

#### Appittarfik, 2. oktober

Unnuk nuannersumik ingerlavoq Katuaq nipilersortartut nipilersornermillu nuannarisallit kikkulluunniit Katuaq paarlersuani appinnissaminnut qaaqquneqaqqimmata. Aaqqissuussinermi appeqqaartuupput nipilersortartut Jorsi Sørensen, Viila Sandgreen aamma Nino Fencker.

Tusarnaariat: 100

#### Tusarnaartitsineq tapasitalik: Liima Inui, 16. oktober

Nipilersoqatigiit Liima Inui qiimmaarissumik tusarnaartitsinissaannut Katuaq qaaqqusisuuvoq, nerisassanillu nunatsinneersunik tapasinik Katuaq igasuinit pikkorissunit sassaalliutigineqartunik ilallugu.

Tusarnaariat: 100

#### Appittarfik, 6. november

Unnuk nuannersumik ingerlavoq Katuaq nipilersortartut nipilersornermillu nuannarisallit kikkulluunniit Katuaq paarlersuani appinnissaminnut qaaqquneqaqqimmata. Aaqqissuussinermi appeqqaartuupput nipilersortartut Anette & Kristine.

Tusarnaariat: 100

#### Suernerit & Nerisassat kujataaneersut, 28. november

Nerisassat siuleqqiutit, unnukorsiutit kinguleqqiutitallillu mamartut kujataaneersunik pitsaanerpaanik akullit Katuamit sassaalliutigineqarput, Qaqortormiut nipilersoqatigiit Suernerit kingorna qiimasumik nipilersortorineqarput. Nipilersorfinni angisuuni mikisunilu Suernerit qititsitsisarnertik tusaamasaassutigaat. Nunatsinni imerniartarfeeqqani Tivolimilu Plænenimi nipilersornikuupput. Erinarsuutit atortagaat tusaamaneqarnerpaat ilagaat Tallimangornerit Tamaasa aamma Arnanguarumi Taanna, inuppasuarnit erinarsoqataaffigineqarlutillu qitinneqartartut.

Tusarnaariat: 85

#### Appittarfik, 4. december

Ukioq taanna appittarfimmi kingullerpaami appeqqaartuupput nipilersoqatigiit PBKR, kingornalu kikkulluunniit appikkusuttut appissinnaallutik.

Tusarnaariat: 86

#### **Festivalimut peqataaneq**

Katuami aaqqissuussinernut pisortaq Camilla Høg Sisimiuni Arctic Sounds-imut peqataasussaagalarpoq Katuaq suleqatigisartagai amerlisarniarlugit, professionelinut programimut peqataajartorluni, nipilersortartunillu nutaanik Katuami tusarnaartitsisarnernut ilanngunneqarsinnaasunik tusarnaariartorluni, COVID-19-ili pissutigalugu festivali taamaatiinnarneqarpoq.



## Isiginnaartitsineq

2020-mi Katuap isiginnaartitsinermik qitinnermillu isiginnaagassiat tallimat aaqqissorlugillu saqqummiuppai, isiginnaariartullu katillugit: 3.205. Nunatsinni illoqarfinnut arfineq marlunnut angalalluni isiginnaartitsiartorerit qitinnermillu takutitsineq ataaseq pilersaarutaagaluarpur.

### Piitannguup ukiunik 30-nik nalliuttorsiornera– "Qiimmassarta!", 15. februar

Piitannguuaq Alaufesen nunatsinni quiasaarisartut tusaamaneqarnerpaat ilagivaat, isiginnaariallu ukiut 30-t sinnerlugit illartillugillu nuannaartittarsimavai. Isiginnaagassiami Mikialai Utizai Kutsun tusaamaneqalerpoq, inunnit nuannarineqarluarluni tissisaarigami. Nuannarineqartuarpoq nunalu tamakkerlugu angalalluni takutitsiartortarsimalluni. Ukiunik 30-nngortorsiornerit nalliussillugu Katuami kisimiilluni takutitsivoq. Isiginnaariat: 1000

### Ningyo Japanimi, 1. – 6. juni

Meeqqat Ulluannut atatillugu inuusanik isiginnaagassiaq "Ningyo Japanimi" Hans Lyngep Inersuaani takutinneqarpoq. Isiginnaagassiami peqataasuupput: Ujarneq Fleischer: Isiginnaartitsisoq, inuusaliortoq producerlu, Nukakkuluk Kreutzmann: Isiginnaartitsisoq, Qillannguuaq Berthelsen: Nipilerisoq aammalu Naleraq Eugenius: Isiginnaartitsissummi teknikeri, scenograf aamma co-producer.

Isiginnaariat:

Meeqqat atuarianni nukarliit: 700

Isiginnaartitsinerit tamanut ammasut: 200

### Angalaneq Josef/Tarrak, 1. – 19. oktober

Isiginnaagassiaq Josef Tarrak illoqarfinni arfineq marlunni takutinneqarpoq: Narsaq, Nanortalik, Qaqortoq, Maniitsoq, Aasiaat, Ilulissat aamma Sisimiut. Angalaneq martsimi pisussaagaluarpur, COVID-19-ili pissutaalluni taamaatiinnarneqarluni.

Ilitersuisoq Pipaluk K. Jørgensen Josef Tarrak Petrussen peqatigalugu Josefip albumiliaa tunngavigalugu isiginnaagassiorpoq Josefip inuuneranut alliarternanullu tunngasumik. 2019-imi septemberimi isiginnaagassiaq Josef Tarrak Katuami takuterngaarneqarpoq isiginnaartitsinerni marlunni isissutissat tamakkingallugit tunineqarlutik.

Isiginnaariat: katillugit 700

Workshopimut peqataasut: katillugit 100

### Uummatiga Qaarpur, 16. - 17. december

Arnaanermut inuunermullu tunngasumik isiginnaagassiaq Nunatta Isiginnaartitsisarfiani ilinniartunit isiginnaartitsissutigineqartoq, kisimiilluni oqalunnerit arnaanermut tunngasut tunngavigalugit suliaq. Ilitsersuisut Najattaajaraq Joelsen aamma Elisabeth Heilmann Blind minutsini 50-ini kisimiilluni oqalunnerit atorlugit isiginnaagassiaq pilersissimavaat arnanik arnaanermillu tapersersuinertut ittumik.  
Isiginnaariat: katillugit 325

#### Ningyo Japanimi, 19. december

Isiginnaagassiaq Ukkimut tunngavoq, taanna Japanimukarpoq ikinngutini Ningyo ilagalugu Ningyop toornaa Ketsune ujariartorlugu. Aqutaani uumasut Japanimeersut assigiinngitsut naapippaat paasivaallu Ketsune arnaqquassaamit tigusatitissimasoq.

Peqataasut: Ujarneq Fleischer: Isiginnaartitsisoq, inuusaliortoq producerlu, Nukakkuluk Kreutzmann: Isiginnaartitsisoq, Qillannguaq Berthelsen: Nipilerisoq aammalu Naleraq Eugenius: Isiginnaartitsissummi teknikeri, scenograf aamma co-producer.

Isiginnaariat: katillugit 180

Majimi Qiajuup ukiumoortumik qitinnermik takutitsinera ingerlanneqartussaagalarpoq. COVID-19-ili pissutaalluni qitinnermik takutitsineq taamaatiinnarneqarpoq.



## **Kulturikkut aaqqissuussat**

2020-mi kulturikkut aaqqissuussat 16-iupput isiginnaariallu katillugit 4.074-iupput. Aaqqissuussat arlallit pilersaarutaagaluartut COVID-19 pequtugalugu taamaatiinnarneqarput.

## **Aaqqissuussat ukiut tamaasa pisartut**

### Mitaarfik, 6. januar

Mitaarfimmut atatillugu Katuaq meeqqanut mitaartitsilluni unammisitsivoq, kunngit pingasut malunnartinniartugit juullilu naggaserniarlugu.

Itsarli mitarneq ileqqoraarput, ilisarsaajunnaarluni atisakorsuarnik atisanillu angivallaartunik atorluni, nulukkaarsuanngorluni, kiinaq qernertuinnangorlugu miseqqap akusaaanik tanillugu imaluunniit netinik atisilluni, qaneq appelsinanik immerlugu imaluunniit allatut mitaarluni ingerlanneqartarpoq. Illumit illumut mitaartoqartarpoq, qitillutillu ersisaarisarput ilisaritinnaveersaarlutik. Juulli taamaalilluni aamma



naggaserneqartarpoq orpiliarlu naggammik kaavinneqartarpoq. Naliliisut: Maria Motzfeldt, Natacha Pedersen aamma Mike Thomsen. Akunniliisoq: Naja Parnuuna Olsen  
Isiginnaariat: 350

Unnuk kulturisiorfik, 18. januar

Ukioq manna Katuami Paarlarsuarmi Nuummi innuttaasut, inersimasut meeqqallu Paarma Brandt peqatigalugu eqqumiitsuliornermik workshopimut qaaqquneqarput. Inuit eqqumiitsuliaat ukioq manna eqqumiitsulianik saqqummersitami siullermi ilaatinneqarput, 'Toornat / Hjælpeånder', Unnuk Kulturisiorfimmi ammarneqartumi. Aaqqissuussaq Liima Jam-ip tusarnaartitsineranik naggaserneqarpoq Inersuaaqqamilu appittoqarsinnaalluni.  
Isertut: 1000

Inuiattut Ullorsiorneq: 21. juni

Katuaq inuiattut ullorsiorfitsivoq Nuutoqqami angoqqaanniunneq ileqquliunneqarsimasooq aallarniutigalugu, umiatsianit 50-init peqataaffigineqartoq. Ullup ingerlanerani Katuami Hans Lyngep Inersuaani nalliuttorsiortoqarpoq. Nuuk Urban Culture Camp-ip qitimmik rapimillu takutitsineranik aallarnerneqarpoq kiisalu Torluut tusarnaartitsillutik. Kingusinnerusukkut Frederik Lange kalattoortitsivoq aammalu Pele Møller band tusarnaartitsilluni.  
Nuutoqqami isiginnaariat tusarnaarially: 250  
HLS-imi tusarnaariat: 200

Qooqqut Festival 2020, 14. & 15. august

Festivali tallimangorneq 14. august unnukut aallartippoq tusarnaartitsisoqarluni, ikumaartitsinermi erinarsoqatigiittoqarluni silamilu filmimik takutitsisoqarluni. Arfiningorneq 15. august ullukut workshopperpoq unnukkullu nipilersortoqarlunilu aliikkusersuisoqarpoq.  
Festivalimi tusarnaartitsisut ukuupput Small Time Giants, Îsâvaraq, Inunnguaq & Gustav, Laura Aviana, Gerth Lyberth, Nikolaj Lønstrup, Zika, Qooqqut Band, Kusernerit, Takuss Duo, Kuka Fleischer, QF Co-Lab piumasullu appissinnaallutik. Ilaqutariinnut tamanut workshopperfitsisoqarpoq sammisassaqtitsisoqarluni: qiperuineq, qilaatersorneq, meditererneq & yoga, meeqqat eqqumiitsuliaat, Inuit & Dene Games, itsarnisarsiorneq, oqaluttuaqattaarneq ilaqutariillu namminneerlutik festivalimut tajalorsinnaapput, mobili atorlugu filmiaralorsinnaallutik, snobrødiliorlutik, ikumaartitsinermi erinarsoqattaarlutik pinngortitamilu kusanarnerpaami kalaallit filmiliaat ersinarloq isiginnaarsinnaallugu.  
Peqataasut tallimangornermi: 250  
Peqataasut arfiningornermi: 250

Ullukinneq, 21. december

Ullukinnersiorneq qangaaniilli ileqquvoq kalaalpassuarnut pingaarutilik. Qulleq qanoq ikinneqarsinnaanersoq takuneqarsinnaavoq, ullukinnersiornerup oqaluttuassartaq tusarneqarsinnaavoq ullorissallu Altair oqaluttuassartaq tusarneqarsinnaalluni, soorunamilu nipilersuutini nuannersunik ulloq nalliussineqarluni.  
Peqataasut: Kuka Fleischer, Camilla Mølgaard, Pilutaq Lundblad, Jensia Højgaard Dam, Qiajuk Studios, Nikolaj Heinrich, Nukakkuluk Kreutzmann aamma Malu Lynges  
Isiginnaariat tusarnaarially: 100



### **Ileqquvut – Inuit traditions**

2020-mi Katuap qangaaniilli Inuit kulturiannut tunngasunik aqqissuussisarnini nangippai. Aqqissuussat Nunatta Katersugaasivia suleqatigalugu ingerlanneqarput. Aqqissuussat tamarmik ataatsimik qulequtaqartarput, qanga inooriaatsitsinnut atassuteqartunik, ullutsinnut tulluarsakkanik siunissamullu isigisunik aqqissuussisarluni.

#### Ileqquvut: Oqaatsivut, 28. januar

Oqaatsivut allanngoriartortuarput oqaatsivullu oqaatsinit allanit sumiorpaluutinillu sunnerneqartarput. Oqaatsitta tammatsaaliorneqarnissaat ilungersuutigissavarput imaluunniit oqaatsitta allanngoriartornerat akueriinnassavarput? Nammineq oqaaseqarneq qanoq isumaqarpa? Saqqummiisut: Hans-Henrik Suersaq Poulsen, Mariia Simonsen, Juaaka Lyberth, Pivinnguaq Mørch, Josef Tarrak-Petrussen  
Tusarnaariat: 70

#### Ileqquvut: Timersorneq pinnguarnerlu, 12. februar

Kulturini tamani qangaaniilli unammineq imminullu unammillerneq atorneqartarsimapput. Ullumikkut timersornermut, Inuit pinnguaataannut oqaluttuassartaannillu, peqqinnermut, atuarfinni pinnguarneq aqqutigalugu ilinniarnermut timersorerullu siunissami qanoq isikkoqarneranik inunnik oqaluttuarsinnaasunik qaaqusaqarpugut.  
Saqqummiisut: Pavia Tobiassen, Bent Jakobsen, Tony Fisker, Poul Petersen aamma Jonas Jensen  
Tusarnaariat: 40

#### Ileqquvut: Piniarneq, 15. maj

Kalaallit piniarneq pingaarnertut inuuniutigisimavaat. Ullumikkut allaat suli inuppassuit piniarnermik aalisarnermillu inuuniuteqarput, amerlasuullu suliffiup saniatigut piniarnermik sunngiffimmini ingerlassaqarlutik aningaasarsiaminnullu tapertaralugu. Ileqquvoq pingaartinneqartoq kinguaariippassuarni ingerlateqqinneqartarsimasoq oqaluttuarpasuarnillu pissarsiffiusartoq. Peqataasut: Pilunguak Poulsen – sunngiffimmini piniartartoq, Hans Lange Nunatta Katersugaasivianit, isiginnaartitsisartoq Arnaq Petersen aamma nipilersortartoq Miké Thomsen.  
Tusarnaariat: 30

#### Ileqquvut: Nerisassat, 24. september

Katuaq nerisassat tunngavigalugit unnussiuuaqatigiinnissamut inunnik 40-nik qaaqusivoq. Unnuk taanna Ileqquvummi sammisaq tassaavoq qangaaniit ullutsinnilu kalaallit nerisassaataat, inunnik assigiinngitsunik nerisassiornermik nunatsinneersunillu akuutissanik pingaartitsisunik saqqummiisoqarluni. Kalaallit

qangaaniilli nerisassioriaasiinit ullutsinni nerisassiornermi nutaaliornernut eqqartorneqarput. Saqqummiisoqarnerani assigiinngitsunik oqattaagassaqaqpoq. Saqqummiisut akornanni erinarsortartoq nipilersortartorlu Ane Marie Hansen akunniliilluni erinarsortussatut qaaqquneqarpoq.  
Peqataasut: 40

Ileqquvut: Ersinartut, 21. oktober

Ileqquvut allatulaaq aqqissuunneqarpoq Katuami sulisut illorsuarmi namminneq misigisaminnik ersinartunik oqaluttuartinneqarmata. Unnuk nuannerpoq quilertanarlunilu.  
Tusarnaariat: 40

Ileqquvut: Eqqumiitsuliorneq, 25. november

Kalaallit Eqqumiitsuliaat suuppat? Suminngaanneerpat? Maanna sumiippat? Sumut ingerlappat? Nunatta Katersugaasivianit Hans Langeq qangaaniilli kalaallit eqqumiitsuliaat oqaluttuarai, suminngaanneersut eqqumiitsuliatullu taaneqarsinnaanersut. Kim Kleist Eriksen sanaluttartuuvoq qangaaniit eqqumiitsuliat tunngavigalugit, suliani suullu isumassarsiffigisarnelugit oqaluttuarai. Nuuk Kunstmuseum-imit Nivi Christensenip eqqumiitsuliat 1850 kingorna suliarineqartarsimasut oqaluttuarai oqaatsillu 'Eqqumiitsuliorneq'-up pinngoriartorsimanera oqaluttuaralugu, kingornalu 'eqqumiitsuliat suuppat' nunatsinnut tunngatillugu taavalu 'kalaallit eqqumiitsuliaat' suunersut pillugit oqallissaarivoq. Eqqumiitsuliortoq filminullu ilitsersuisoq Inuk Silis Høegh eqqumiitsuliorlutut sulini pillugu oqaluttuarpoq namminerlu isummani naapertorlugu kalaallit eqqumiitsuliaat sumut saakkiartornersut oqaluttuaralugu.  
Tusarnaariat: 70



## **Aqqissuussat allat**

Arnat Ulluat, 8. marts

Arnat Ulluannut atatillugu 8. marts 2020 Katuaq aamma Kalaallit Nunaanni Naligiissitaanermut Siunnersuisoqatigiit #ArcticFeminism pillugu sammisaqartitsipput.

Peqataasut: Inga Dora G. Markussen, Tukumminnguaq Nykjær Olsen, Ida Kleist, Laura Lennert Jensen aamma Aka-Niviâna Mørch Pedersen.

Tusarnaariat: 170

Qimmeq: Carsten Egevangimit saqqummiineq, 2. august

Carsten Egevang uumassusilerinermi ilisimatuujugaluarpoq ullumili assiliisartutut sulilluni. Ukiut pingasut kingulliit suliniut QIMMEQ, kalaallit qimmiannut tunngasoq suleqataaffigisimavaa, atuakkamillu taama qulequtalimmik marts 2020-mi saqqummersitsilluni. Katuaq aamma Fotoklubben Nuuk suleqatigiillutik aaqqissuussa q suliaaraat.

Tusarnaariat: 80

#### Nuuk International Film Festival, 16.-19. september

Nuuk International Film Festivalimi filmit 45-t isiginnaartitsinerillu 17-it takutinneqarput. Meeqqanut, immikkut ilisimasalinnut, master class-inut apeqquteqartoqarsinnaanissaanullu periarfissalinnut immikkut programmeqarpoq. Nunatsinni takuterngaarneqartut pingasuupput: *Updated* ilitsersuisumit Nivi Pedersen-imit, *In the shadow of the Tugtupite* ilitsersuisumit Inuk Jørgensen-imit, aamma *Blok 5* ilitsersuisumit Anders Berthelsen-imit suliat.

Isiginnaariat: 860



## Workshoppit

#### Nuuk Urban Culture Camp 2020, 8. – 21. juni

Katuap inuusuttunut suliniutaa workshoppinik assigiinngitsunik imaqarpoq, tassani peqataasut Nuummik isiginnittaasertik eqqumiitsuliornermikkut takutittussaavaat. Suliaat inuiattut ullorsiorbitsinni saqqummiunneqarput.

Nuuk Urban Culture Campimi workshoppit ukuupput:

Assillineq: Inuuteq Storch aamma Arny Mogensen ilinniartitsisorlugit

Qitinneq: Camilla Olsen aamma Miyuki Daorana ilinniartitsisorlugit

Graffiti: Sacha Malinsky aamma Inuk Højgaard ilinniartitsisorlugit

Nipilersorneq aamma rap: Josef Tarrak-Petrussen aamma Gustav Lynge Petrussen ilinniartitsisorlugit

Peqataasut: 28





## Isumasioqatigiinneq

### Ilulissani Sermermiuni isumasioqatigiinneq, 14. – 15. maj

Sermermiut Taserallilu suleqatigalugit Katuaq ukiut sisamassaa kulturikkut aqqisuisartunut isumasioqatigiisitsinermik aqqissuussivoq. Ataatsimiinnermi siunissami pilersaarutit suunersut eqqartorneqarput, killiffiit saqqummiunneqarlutik, kulturilu pillugu nalunaarusiaq, lobby, attaveqatigiinneq, aningaasaqarneq, Namminersorlutik Oqartussat Kulturikkut isumasioqatigiisitsinissaat, COVID-19-i pissutaalluni pissutsit, paasititsiniaaneq, peqataasarneq, ICC pillugu isumassarsiortitsineq, Naleraq qimussinillu sukkaniunnerit pillugit atassuteqatigiittartut suliaat eqqartorneqarlutik.

Peqataasut: 14



## Saqqummersitsinerit

2020-mi Katuaq arfinilinnik saqqummersitsivoq saqqummersitassanillu ammaanersiornermi inuit 232 missaat takkupput. Ammaanersiornernut inuit takkuttut tunngavigalugit kisitsisit pissarsiarineqarput, saqqummersitsisoqarnerata nalaani ullormut inuit takkuttartut kisissinnaaneq ajoratsigit.

### Paarma Brandt: Toornat / Hjælpeånder, 18. januar – 27. marts

Paarma Brandt Nuummi eqqumiitsuliornermik ilinniarfimmi (2012-2013) aammalu Aarhus Kunstakademi-mi (2015-2019) eqqumiitsuliortutut ilinniarsimasuuvoq arlalinnillu saqqummersitsereerluni. Itsaq anersaanik upperisaqarnerup ullutsinnilu inuiaqatigiit naapinnerat saqqummersitsinermi sammineqarput. Sunnerneqartuarluta ineriartortuarluta inuugualarluta itsarli kulturereput suli pigaarput. Toornat kiinappaallu atornerarnerat suliaani takuneqarsinnaapput. Unnuk Kulturisiorfimmumt atatillugu Paarma Brandt ilagalugu ilaqutariit Katuami workshopperinneqarput. Paarma Brandtip titartagai tunngavigalugit meeqqat, inuusuttut inersimasullu namminneerlutik toornanik titartaapput. Suliat taakku nutaat saqqummersitsinermit ilaatinneqarput. Ammaanersiornermi isiginnaariat: 40

### Kimiup saqqummersitsinera, 7. maj – 1. juni

KIMIK tassaavoq Nunatsinni Eqqumiitsuliortut Kattuffiat 23-nik ilaasortalik. Peqatigiiffik 1995-imi pilersinneqarpoq Nuutoqqamilu sulliveqarluni. Peqatigiiffik Nuuk Kunstmuseum-imi Katuamilu upernaakkut paarlakaattunik saqqummersitsisarpoq nunatsinnilu avataanilu ataatsimoortunik saqqummersitsisarluni. Eqqumiitsuliortut peqataasut: Naja Rosing-Asvid, Maria Panínguaq' Kjærulff, Ivínguaq' Stork Høegh, Kristine Spore Kreutzmann, Elvar Örn Kjartansson, Lisa Kreutzmann aamma Paarma Brandt Ammaanersiornermi isiginnaariat: 100

### Nuummi Eqqumiitsuliornermik Ilinniarfiup saqqummersitsinera, 12. – 20. juni

Eqqumiitsuliornermik Ilinniarfimmi ilinniartut ilinniartuunertik naammassillugu soraarummeerutitik Katuami ukiut tamaasa junimi saqqummersittarpaat. Ukioq manna eqqumiitsuliortunngortut tassaapput: Mina Naja Benjaminsen, Rita Vold, Petrine Møller Kristiansen aamma Nicholas Rosing-Petersen. Ammaanersiornermi isiginnaariat: 40

### Saqqummersitsineq: Nuuk Urban Culture Camp 2020, 21. juni – 31. august

Katuaq inuusuttunut suliniutaa workshoppinik assigiinngitsunik imaqarpoq, tassani peqataasut Nuummik isiginnittaasertik eqqumiitsuliornermikkut takutittussaavaat. Assiliivik atorlugu eqqumiitsuliat kingorna Katuami saqqummersinneqarput, graffitiaallu Katuap saavani takutinneqarlutik.

Assiliisut: Cecilie Christiansen, 21 aamma Vivian Pipaluk Iversen Lyngø, 16

Ilinniartitsisut: Arny Mogensen aamma Inuuteq Storch

#### Aporaannerit/Sammenstød, 14. september – 1. november

Saqqummersitami Aporaannerit / Sammenstød-imi Inuk Silis Høeghip eqqumiitsuliat pingasut sionatigut suliat saqqummersippai ullutsinnut taakku qanoq isumaqarsinnaanersut misissorlugu. Suli ullutsinnut tulluuppat – imaluunniit ullutsinnut aporaappat?

Inuup suliai nunatsinni, Danmarkimi, nunani avannarlerni, Frankrigimi, Canadami Tysklandimilu saqqummersinneqarnikuupput filmeeralliaalu piviusulersaarussiaalu TV-kkut nunarsuarmilu filmfestivalini takutinneqarnikuullutik. Inuk Namminersortutik Oqartussat Kulturikkut nersornaataannik 2015-imi nersornaaseneqarpoq, 2015-imilu Kommuneqarfik Sermersuumi Kulturikkut Ambasadøriulluni 2005-imilu Niels Wessel Bagges Legatianik tunineqarluni.

Ammaanersiornermi isiginnaariat: 20

#### The Lost Norsemen, 17. november – 9. december

Virtual reality atorlugu saqqummersitsinermi nunatsinni nunami alutornartumi illukuinilu qallunaatsiaat aqutigisimasaat misissorneqarsinnaapput. Nunani avannarlerni oqaluttuatoqqat ilinniarneqarsinnaapput kalaallilu oqaluttuatoqaannut assinguneri pillugit ilinniartoqarsinnaalluni.

Katuaq, Royal Arctic Linep, Air Greenlandip aamma NAPA-p suleqatigiinnerisigut saqqummersitsisoqarpoq. Norse Theme Parks ApS-imut tunngasoq: Norse Theme Parks-ip takorluugaraa nunani avannarlerni oqaluttuatoqqat tunngavigalugit aliikkusiartarfinnik sananissaq angallanneqarsinnaasunillu misigisassarsiorfiliornissaq, kulturikkut kingornussat ullutsinnilu nuannarineqartunik akullugit, tassanilu piviusut, oqalualaat piviusulersaarutillu ataatsimoortillugit virtual reality-ngorlugit misigineqarsinnaallutik.

Ammaanersiornermi isiginnaariat: 32



## Filmertarfik

Katuami filminik takutitserngaarsinnaangortillugu filmertarfik Kategori A-ujuvoq. Katuami filmertarfik nutartigaavoq digitalimik filminik takutitsissuteqarluni nipilerissuteqarlunilu. 2020-mi Katuap filmertarfia covid-19 pissutaalluni pissutsinit ajornartorsiortinneqarpoq kisitsisinilu tamanna ersarilluarpoq.

### 2020-mut kisitsisit:

Filmit assigiinngitsut 153-it takutinneqarneri 920-t isiginnaariallu 24.159-it. Taakkunannga filmit aqqaneq marluk meeqqanut filmklubimi takutinneqarput, filmit assigiinngitsut 12-it isiginnaariallu 563.

### 2020-mi filmit isiginnaarneqarnerpaat:

- |                                                   |                   |
|---------------------------------------------------|-------------------|
| 1. Greenland                                      | isiginnaariat 946 |
| 2. Retfærdighedernes ryttere                      | isiginnaariat 826 |
| 3. Bad boys for life                              | isiginnaariat 789 |
| 4. Tenet                                          | isiginnaariat 769 |
| 5. Karl Sivertsen – Sinnattoraangama takusarpagit | isiginnaariat 715 |

### 2020-mi pisut pingarnerit:

#### Meeqqanut filmertitsineq

2020-mi Katuami filmertarfik meeqqanut mikinernut filmimik nutaamik isiginnaartitsivoq, 3-6-inut ukiulinnut. Isiginnaarianut 118-inut katillugit arfineq marloriarluni isiginnaartinneqarpoq.

#### Halloween

2020-mi ulloq 31. oktober filminik nutaangitsunik 1980-ikkornisanik nutaaliaanerusunillu ersinartunik takutitsisoqarluni Halloweenertitsisoqarpoq.

#### Islandermiut filmiliaannik takutitsineq

Nuummi islandermiut konsuleqarfiat Islandimilu filmcenter suleqatigalugit filminik islandimeersunik takutitsisoqarpoq, 23-24. oktoberilu qaaqqusanik ilasseqatigiittoqarluni.

#### Tunn is

TV-kkut nangeqattaartoq *Tunn is* Katuami takuterngaarneqarpoq. Air Greenland, TV-kkut nangeqatttaartumik aningaasaliisooq nangeqattaartumi aallakaatitaq siulleq immikkut takutippaa. Takuterngaarneqarnera nalliuttorsiuutigineqarpoq, takutinneqarnissaa sioqqullugu ilasseqatigiittoqarluni.

#### Vores mand i Amerika

Filmimut Vores mand i Amerika-mut atatillugu ilitersuisooq Christina Rosendahl aamma producer Jonas Frederiksen nunatsinni takuterngaarneqarneranut peqataapput. Takuterngaarneqarnissaa sioqqullugu tusagassiortunut takutinneqarpoq, tassanilu aamma GUX Nuummi ilinniartut peqataapput, kingornalu apersortoqarsinnaalluni. Ullorlu 10. april takuterngaarneqarneranut atatillugu apersortoqarsinnaavoq Christina Rosendahl-imit, Jonas Frederiksen-imit illoqarfitsinnilu qaaqqusanit naleqquttunit akissuteqarfigineqarsinnaasunik.

#### Karl Sivertsen – Sinnattoraangama takusarpagit

Filmi inuup inuuneranut nipilersornermullu tunngasoq nunatsinni suliarineqartoq Karl Sivertsen – Sinnattoraangama takusarpagit 15. oktober nunarsuarmi takuterngaarneqarpoq. Filmi nipilersortartumut tusaamasamut Karl Sivertsenimut tunngavoq nunatsinnilu nipilersornerup silarsuaanut sunniuteqarneranut tunngalluni. Nipilersortartut assigiinngitsut inuunerminni Kaalilu misigisimasaminnik oqaluttuarlutik filmimi peqataapput.

#### Nuuk International Film Festival 16-19.september

Nuuk International Film Festival (NIFF2020) ukiut sisamassaanni Katuami ingerlanneqarpoq, nunatsinni issittumilu filmilianik aallussiffiusooq. Festivalip ulluni sisamani ingerlanerani feature filmit arfineq pingasut takutinneqarput, taakkunanani *Kalaallit nunaat sorsuutigaa*t nunatsinni takuterngaarneqarluni, filmilaaqqallu arlallit piviusulersaarutillu nunarsuarmi siullerpaamik takutinneqarlutik:

*UPDATED* Nivi Pedersen-imit, *Tugtupite* Inuk Jørgensen-imit aamma *Blok 5* Anders Berthelsen-imit.

Tamatumuuna filmiortut amerlasuut nunanit allaneersut Zoom atorlugu peqataapput, filminut oqallinnernullu inuulluaqqusinertalinnik. Festivalertoqarnerani NIFF-imit film.gl-imillu nersornaasiisoqarpoq.





## PR eqqartorneqarnerlu

### Tusagassiutit

2020-mi tusagassiutitigut 62-eriarluni Katuaq eqqartorneqarpoq:

- Raatiukku apersorneqarnerit 4-t
- Aviisini naqitani 33-riarluni
- TV-kkut aallakaatitat 5-t
- Internetikkut nutaarsiassatigut 15-eriarluni
- Raatiukku aallakaatitat 5-t

### Nittartagaq

2020-mi nittartakami quppernerit 338.708-eriarluni nuisinneqarsimapput, atuisunit 65.661-iusunit. 2019-imut sanilliullugu quppernerit 29,72%-imik nuisinneqarneri ikileriarsimapput atuisullu 1,78%-inik ikinnerullutik. Aaqquussat anginerit amerlanerit taamaatiinnarneqarnerannik tamanna ilaatigut pissuteqarpoq.

### Facebook

Katuaq Facebookimi qupperneranik 2019-ip naanerani malinnaasunut sanilliullugu 711-nik amerlanerulersimapput, maannalu malinnaasut 12.715-iupput, qaffariaataalu imaappoq: 5.1%.

### Instagram

2020-p naanerani Katuaq Instagramianik malinnaasut 1.578-iupput, 2019-ip naanerani 1.365-inut sanilliullutik, qaffariaataalu imaappoq: 13.5%.



## Café aamma ataatsimeersuarnerit

Cafémut aamma ataatsimiinnernut immikkoortortap Katuami isertut amerlanerit sullittarpai. Ukiup ataatsip ingerlanerani Katuami cafémut isertartut kisitsisaatiginngilavut, kisianni nalunngilarput inuppassuarnut naapittarfiusoq pingaarutilik. Minnerunngitsumillu aamma café ataatsimiinnerillu aningaasaqarnitsinnut iluaqutaasaqaat illorsuarmi kulturikkut sammisassaqaartitsinermut tapertaalluartaramik.

### Cafétuaq:

Illorsuarmi aaqqissuussanut Café akuulluarterpoq nammineerlunilu aamma nerisassanut tunngasunik aaqqissuussisarluni. Akuutissat nunatsinneersut nerisassallu mamartut cafémi tunngaviulluarpur. Katuamit nuannaarutigeqarput aalisartut, piniartut, naatitaarniat allallu pilersuisut nunatsinneersut pitsaasumik suleqatigigatsigit.

2020-mi cafémi nerisassat allassimaffiat arlaleriarluni nutarterneqarpoq. Ilaatigut Covid-19 pissutigalugu ilaatigullu Katuami igaffiup sassaallerfiusartullu aaqqissorneqarneri pissutaallutik. Nerisassat allassimaffiat oqaatsit pingasut atorlugit suliaavoq imaalu taarseruminartunngorlugit suliaalluni. Ukiup sisamararterutaa qaangiukkaangat nutartertarnissaa pilersaarutaavoq ukiullu qanoq ilineranut tulluarsagaassalluni; Ukiaq, Ukioq, Upernaaq aamma Aasaq.

Covid-19-imik nappaalanersuaq aallartimmalli Cafétuami neriffiusinnaasunut ilanngullugu paarlersuaq atornerqalerpoq. Isertartunut tamanna toqqissisimanartoq nalunangilaq, tassami inissaqarluarami, Katuamilu silaannarissarfeqarluarluni inissaqarluarluni.

Covid-19-ip nalaani suleqatigiaat imminnut suleqatigiilluarsimapput aaqqissuussanik naammassinnilluarternissaq anguniarlugu. Katuami kulturikkut aaqqissuussisinnaaneq aamma anguniarlugu. Naalakkersuisunit killilersuinerit iluanni, aamma 100-t sinnernagit peqataaffigineqarsinnaasunik aaqqissuussaqaarnissaq aamma eqqumaffigineqarpoq, Katuami immikkoortunut amerlasuunut iluaqutaasumik. Tassunga atatillugu oqaatigisinnaavarput cafémi tusarnaartitsinerit suli nuannarineqarluarmata, Nuummilu neriniarterfeqarnermi ilaalluinnalersimallutik. Cafémi tusarnaartitsinerit maanna marlungorlugit avinneqartarput, taamaalillutik inuit amerlanerusut tusarnaariarsinnaanngorlutik. Sullissinermut immikkoortorta q suli pingaarnermik cafémi sulisunik ilinniartitsinissaminik aallussaqaarpoq, aammali igaffimmi sulisunik. Tassani suliffeqarfiup iluani attaveqatigiilluarsinnaaneq pissutaalluni isertartut iluarisimaarinninnerusartut tunngavigineqarpoq.

**Igaffik:**

2020-mi igaffik immikkut isigissagaanni igaffiup allangortiterneqarnera initunerpaajusimavoq. Igaffik Cafélú piffissaq sivisooq atorlugu allangortiterneqarput. Piffissaq sivisugualarpoq, kisiannili igaffimmi sulisut atorfissaqartitaannik pitsaasumik igaffeqarnissaq pisariaqarsimavoq. Oktoberimi igaffik nutaaq atorneqalerpoq saqisullu isertarfiat nutaaq decemberip naanerani atorneqalerluni.

**Ataatsimeersuarnertit:**

Katuaq ataatsimeersuarterfittut HORESTA-mit 5-nik ulloriaqarpoq.

Ataatsimeersuarnertit isertitat inuillu isertartut 2019-imit 2020-mut ikileriangaatsiarput.

Ataatsimeersuarnertit inunnit 100-t sinnerlugit peqataaffigineqartussat tamarmik taamaatiinnarneqanngikkunik 2021-mut kingusinnerusumulluunniit kinguartinneqarput. 2021-mi ukiakkut inniminniinerit angisuut ataasiakkaat suli pilersaarutaapput, kisiannili suli nalornarlutik – pissutsit qanoq ingerlanersut apeqquataassaaq. Covid-19 pingaarnertut tassunga pissutaavoq. Ukiup ingerlanerani inunnit amerlanerpaamik 100-nit peqataaffigineqartussanik inniminniisoqarpoq amerlanertigullu inunnit ikinnerusunut inniminniisoqarluni.

Digitalimik teknikkut ilisimasaqarneq atuisinnaanerlu malunnartumik ujartorneqarnerulerpoq. Ingammik streaming piffissami uani piumaneqarneruleralluttuinnarluni.



## Katuaq I/S

Katuaq illorsua eqqarsaatigalugu 2020 ulapaarfiuvoq. Ukiut kingulliit arlallit illorsuup silataatungaata aserfallatsaaliorneqarnissaa aallunneqarnerusimavoq 2020-milu illorsuup ilua sammineqarnerulluni.

**2020-mi suliniutit anginerit ukuupput:**

- Katuami igaffik allangortilluinnarneqarpoq pisariaqartinneqartunut tulluarsarlugu sulinermilu avatangiisit pitsanngorsarniarlugit.
- Katuami qullit tamarmik LED-inik taarserneqarput.
- Hans Lyngep Inersuaani issiaviit taarserneqarput.
- Silaannarissarfiit nutarterneqarput Katuallu ilaani amerlasuuni pitsanngortinneqarlutik.

**2020-mi aserfallatsaaliinerit suuneri:**

- Katuami qimaaffissat qullii arlallit aqqissornerqarput.
- Inersuaaqqami nivinngaaviit tamarmik aqqinneqarput.
- Cafép igaffiani kissarsuut aqqissornerqarpoq.
- Paarlersuup qilaani silaannarissarfiit motorii pingasut aserfallatsaaliilluni misissornerqarput.
- Sermeq qaliap sinarsuagut kuuffimmiittoq piarneqarpoq.
- Igaffimmi igalaaq taarserneqarpoq.
- Hans Lyngep Inersuani matserfik matullu qiversartui aqqissornerqarput.
- Silaannarissarfiit tamarmik "aasaanerani pissutsit"-nut aqqinneqarput.
- Igaffimmi igalasserfik aqqissornerqarpoq.
- Ikinngutit inaanni matumi tiggummivik aqqissornerqarpoq.
- Inersuaaqqami matu illersittagaq aqqissornerqarpoq.
- Igaffimmi parnaarsaaserfik aqqissornerqarpoq.
- Inersuaaqqami matu illersittagaq aqqissornerqarpoq.
- Byorkestersalimi atortunut nutaanut kiassaatiq aquutaa ikkunneqarpoq atornerqalerlunilu.
- Illorsuup tunuaniittup matup parnaarsaaserfia aqqissornerqarpoq.
- Inersuaaqqami matu illersittagaq aqqissornerqarpoq.
- Illorsuup tunuaniittup matup parnaarsaaserfia aqqissornerqarpoq.
- Inersuaaqqami matu illersittagaq aqqissornerqarpoq.
- Katuami qulliit ajornartoornermi atornerqartussat aserfallatsaaliilluni misissornerqarput.
- Imermut filterit taarserneqarput.
- Kiassaatiq aserfallatsaaliilluni misissornerqarput.
- Inersuaaqqami matu illersittagaq aqqissornerqarpoq.
- Salto isernissamut systemi aserfallatsaaliilluni misissornerqarpoq.
- Qaliap sinarsuagut kuuffik aqqissornerqarpoq.
- Inersuaaqqami matu illersittagaq aqqissornerqarpoq.
- Paarlersuarmi qulliit qimaaffissamiittut aqqissornerqarput.
- Inersuaaqqami iikkami nivinngaavik aqqissornerqarpoq.
- Imiisivimmi qalaarpallaarnissamut sikringit marluk aserorput.
- Kuuffiit tamarmik aserfallatsaaliilluni misissornerqarput misissorluarneqarlutillu.
- Kiassaatiq tamarmik misissornerqarput silaannarissarneqarlutillu.